

典禮備考卷四

萬縣志局敬鐫

會典

朝賀

迎詔 救護

聖誕元旦冬至三大節朝賀禮

省會守土官豫於公所正中設

萬壽龍亭南向設香案於亭之南其日五鼓有司設燎於庭設鐙於門廡教授訓導二人糾儀學弟子員二人通贊二人引班階下東西班位皆文東武西立位東西面北上拜位北面東班西上西班東上重行異等

典禮備考

卷四

朝賀

一

糾儀官位班行之北通贊引班位糾儀官之南皆東西面夜漏未盡羣官朝服畢會公所質明引班引入至丹墀內東西序立通贊贊齊班引班分弓至拜位前立贊進少進贊跪叩興羣官行三跪九叩禮畢引退

若府不附省州縣不附府者均以正貳教職各一人糾儀學弟子員各二人通贊引班在城文武官於公所按班行禮均如省會儀

迎詔禮

詔下直省之禮禮部按直省督撫駐劄之地行取閣部院
寺筆帖式乘傳齎

詔前往頒布工部給龍旗繖仗前導所經府州縣五里之
內文武官朝服跪迎軍民伏道右候過省會有司預
於公廡設屏南向屏前設

詔案又前設杳案案東設臺階下爲文武官拜位文東武
西重行異等如朝賀儀詳見三朝賀禮紳士班於文官之

末耆老軍民集於武官之末皆北面宣 詔官一人
展 詔官二人立臺下西面通贊生立香案左右引

典禮備考

卷四

迎詔

二

禮生立百官班位左右皆東西面

詔及郊守土官備龍亭旗仗出迎使者承

詔書以架奉陳龍亭內乘馬後隨鼓樂前導總督暨同城
文武大僚率所屬文武官朝服出迎道右跪候過興
先至公廡門外序立紳士耆老軍民畢會

詔至門跪迎如初禮使者下馬從龍亭入衆隨之入使者
奉

詔書陳於案退立案東西面引禮生引羣官就位北面立
通贊贊跪叩興衆行三跪九叩禮贊宣

詔使者奉

詔授宣 詔官復位立宣 詔官跪接登臺展 詔官二人從升均西面展

詔書宣讀訖復於案皆降衆聽贊復行三跪九叩禮如初
退使者以

詔書授督撫恭鐫謄黃頒學政鹽政織造管關兩司道府
轉頒所屬州縣衛將軍提鎮協將轉頒所屬營汛至
日宣布軍民

詔書謄黃至府州縣各官恭迎宣讀均與省會儀同

典禮備考

卷四

救護

三

救護禮

救護儀注直省府州縣衛遇日月食各按欽天監推
定時刻分秒隨地救護省會於督撫署府州縣衛各
於公署均以督撫及正官一人領班行禮正副教職
二人糾儀學弟子員二人通贊二人引班陰陽官一
人報時至日陰陽官報初虧引衆官素服立拜位前
序班贊行三跪九叩禮畢班首官進至香案前三上
香畢復位皆跪執事奉鼓進跪於左班首官伐鼓三
聲儀門外金鼓振作仍按班更番上香更番祇立陰

陽官報復圓金鼓聲止眾官行三跪九叩禮退
日食遇元旦停止 朝賀筵宴日食月朔官員俱常
服惟救護時素服

日月食遇穿朝服之期初虧復圓俱穿素服行禮

典禮備考

卷四

救護

四